

復鑑

靈寶領教濟度金書卷之一百三十五

靈寶領教濟度金書卷之一百三十六 閱五

洞微高士開光啟告真人審金其校  
靈寶道安弘敷水南先生林靈真編

科儀立成品析樣通用

分燈儀

法師詣三寶前

具位巨某誠惶誠恐稽首頓首再拜奏啓

太上無極大道玉清聖境元始天尊上清真

境靈寶天尊太清仙境道德天尊恭望

道慈俯垂省錄巨聞陰陽剖判陽光高映於

玄虛晝夜循環夜色低迷於寥廓況居濁世

動涉昏衢非陶三景之靈芒曷破十華之幽

暗是以帝師曲憫仙聖弘慈散談流光萬瓊

音於回耀垂華示象揚玉籙於明燈金籙著

消災懺罪之儀瓊房隱內觀求仙之旨中華

五臟外燭百形上晃朗於層霄下陸離於案

域祛陰開夜續晝遠陽蕤妙用以難明赫

赫神功而普被今齋主某崇建某齋遵依科

範建立玄場敷蓮炬於十門列蘭膏於四界

紫宸請命希垂無極之神輝丹闕疏恩冀削

有生之陰障伏願玉毫遠照金相流華仗三

氣之真符按九光之聖彩煌煌散景太空之

星斗交羅燦燦凝煙遙漢之虹霓隱映且天

徹地達暗生明迎陽福以召禎祥驅陰符而

度厄難由茲慧燭遍照迷途躡空洞以仙飛

形神俱妙感虛無而朗徹性命合真加持燈

光稱揚寶鏡

大聖道寶天尊

大聖經寶天尊

大聖師寶天尊

法師秉燈在手宣明燈咒

元始開圖九陽吐精虛無一炁光耀天經

流明太空日月華燈羽章披朗蕩蕩玉清

金華映霄玉芝自生降光照夜朱陽煥升

玄精隱伏華象開明神燈洞景離羅長庚

削滅九陰輝光散英上徹福堂下燭幽局

中明室宅罪滅福興八景齊到萬願成并

冤鬼自然道真達靈却除死籍注上生名

消災除厄邪怪潛形度身仙籍七祖飛騰

神明侍衛流慶家庭華燈一照身宅光明

和與道合真

祖炁凝華蓮二儀而成象靈光轉燭且八極  
以流精飛芒煥爛於銀缸舒燄燄於玉樹  
廓清陰暗開朗晨輝承營儀陽燧之華接元  
始圓光之象散一為萬燈燈相續以無窮自  
表及中景象俱明而莫盡妙哉利益至矣莊  
嚴公將依按玄科輝明丹炁仰祈霄造俯軫  
愚衷稽首皈依分燈如法

法師以紙燃點燈在手宣明燈呪

大道凝輝丹霞散陳炎精童子洞煥朱煙  
照映室宅削滅妖氛今日大慶萬象晶瑩  
群陰潛伏幽暗開明靈光所被夜景澄新  
神燈華燦朗徹三辰煌煌滿色灼爍重昏  
開陽消陰沉翳和溫普映內外丹精上開  
金童侍香素女通靈扶衰度厄正鬼安寬  
落落開張上照諸天梵炁彌羅下達黃泉  
穴凶辟斥斷塞邪源祖宮欣慶希陽乘晨  
我身光明洞達無邊功沾一切生死蒙恩  
和與道合真

點燈

道生一一生二生三三三萬物見前清衆  
請為分輝

流光法界天尊

太上散十方華嚴道精誠諸天皆赫然  
諸地悉朗明我身亦光徹五臟生華榮

炎景朝太虛遐想通玉京

旋繞立班

向來然燈功德悉已周圓伏願齋主赤心燈  
熒徹性燭澄明九厄三災速燼花而削落千  
祥萬福隨鼓盞以舒長松栢貞堅芝蘭秀發  
樂壺天之不夜融福地以長春民欲有亨帝  
恩無外俯窮九壘旁徹十華均離幽暗之鄉  
永化光明之界稽首皈依無極大道志心稱  
念燈光普照天尊和不可思議功德

北斗燈儀

碧虛縹紗騰寶霧於金觀紫漢氤氳飛煙  
於玉鳳一誠露奏萬福天開以今恭奉寶香  
遙瞻供養  
太上無極大道三清上聖三寶至尊紫微中  
天北極大帝勾陳上官天皇帝中天高上

玉皇尊帝太微玉帝北極玄卿大帝舍狼玉  
皇九晨君巨門玉皇北上晨君祿存玉皇主  
仙華晨君文曲玉皇玄上飛蓋晨君應負玉  
皇金魁七晨君武曲玉皇北辰飛華晨君破  
軍玉皇總靈九元北蓋晨君外輔玉皇帝尊

九晨君內弼玉皇帝真元晨君九晨夫人九  
陰內妃三台華蓋星君斗中玄雷道德聖眾  
齋主奉建生本命元辰星君運限照臨一切  
星宰虛空監察應感真靈太歲尊神日直真  
官土地正神里域主宰仗此寶香普同供養  
伏聞圓方剖粹九晨端御於玄樞經緯凝精  
七政高羅於紫極運帝車而四方臨制鼓化  
瑟而萬範恢張中垣領喉舌之司東藩儼權  
衡之任朝三五於地紀明十二於天罡召運  
儻輪九五應陰陽之度枕參携角四七定冬  
夏之期履鬼鬼以飛翔妙空常而變化裁成  
五炁調理群靈金池開龍漢之祥玉局啓鶴  
鳴之運靈光燁燁拱帝座於勾陳聖化巍巍  
隆民生於輿幅法橋穩駕真路宏開惟殫積  
善之丹忱斯契降祥之玄監以今齋主恭福

基夙挺道運欣逢輒邀環珮之班庸對瓊璣  
之御霞披縹緲及邈玉漢以瞻星風潔蓬居列  
銀缸而連斗飛晨合景耀彩凝芒紫煙聯三  
素之輝丹醜吐九華之瑞伏願青華定錄臺  
天宴樂於春臺丹簡上生福地迴旋於壽域

吉祥止止福慶熙熙稽首皈依無極大道

巨眾等志心皈命中天大聖北斗貪狼陽

明玉皇君斗中神仙和諸靈官

伏以靈華天上玄魁注青炁之精太上官中  
太尉御玉樓之遠執玄圖以司萬化列琪樹  
而開九門司政糾非錄功察過總九天之真  
聖參贊紫樞監五嶽之飛仙昭明玄格下提  
後學中領神靈分野應秦徐之鄉建生推子  
極之位是為日配所主天元占身象於星燈  
表英名於遁甲今有齋主恭馳神璇關歲事  
瑤壇皈命中天大聖貪狼陽明玉皇君伏願  
玉錄書名青精定命箕嘯九五福並東海以  
天開莊算八千秋齊南山而地久慈源波瑩  
神觀風清溢和氣於家庭襲靈光於動履宸  
恩久被民欲有手稽首皈依虔誠讚詠

信位高上紫微垣北斗貪狼星君

北斗延生 回真四靈 流輝下映 朗達玄冥  
七元命籍 名列紫瓊 保身續壽 永享利貞  
耳目開爽 萬萬長寧 攝養精炁 與神同明  
延生自然 上升玉清 願得長生

巨等志心皈命中天大聖北斗巨門陰精

玉皇君斗中神仙和諸靈官

伏以神華天上玄斗注黑氣之精中元官中  
上宰御玉樓之遠執羽節以參萬化列瓊樹  
以開五門宿命攸司祿存是職總普天之列  
宿經緯運行領率土之萬靈陰陽變理下監  
兆姓中理真仙分野應蓋益之鄉建生推丑  
亥之位是為月配所主地元占命象於星燈  
表任名於遁甲今有齋主恭馳神璇關歲事  
瑤壇皈命中天大聖北斗巨門陰精玉皇君  
伏願朱臺書名玄芝定命根塵煙滅靈光開  
曉鑑之輝薰障雪消定水映秋蟾之影北真  
落死南極上生垂奕葉之芳猷慶連枝之樂  
事天休滋至民願允諧稽首皈依虔誠讚詠  
信位高上紫微垣北斗巨門星君

北斗度厄 高仙上靈 流輝遍照 內外肅清  
七元紀籍 名列紫庭 扶身延壽 祿位長亨  
臟腑開朗 動止咸寧 光運合景 與神同榮  
度厄自然 上升玉京 願得長生

巨眾等志心皈命中天大聖北斗祿存玉

皇君斗中神仙和諸靈官

伏聞玄皇天內上精注黃炁之炁真元官中  
司空御玉樓之遠執青錄以教帝化列琳樹  
以開華門位領仙曹職司神籍總九聖之真  
宰班秩森羅監五嶽之神靈過功昭朗下提  
學道中領仙真分野應梁冀之鄉建生推寅  
戌之位是為火配所主日元占福象於星燈  
表柱名於遁甲今有恭馳神璇關歲事瑤壇  
皈命中天大聖祿存真人玉皇君伏願方諸  
書名黃綰定命一千二百戒行志守高華八  
萬四千塵勞神光照耀朱顏不老紫氣長新  
芝蘭衍文獻之傳桑梓茂弦誦之俗民情薄  
遂帝渥芳敷稽首皈依虔誠讚詠  
信位高上紫微垣北斗祿存星君  
北斗保命 玄靈散陳 丹田通暢 運合仙真

七元定籍 名列紫文 護身注壽 祿慶維新  
辟除邪惡 善瑞日臻 去來無礙 與神同倫  
保命自然 上升玉窟 和願得長生

臣眾等志心皈命中天大聖北斗文曲玄  
冥玉皇君斗中神仙和諸靈官

伏聞皇華天上網極注紫炁之精紐幽宮中  
遊擊御玉樓之遠執命靈而裁萬化列琅樹  
而開三門伐逆攸司恃凶是職總九天之神  
鬼清肅虛玄監萬地之死生提携品類下銜  
地府中領其官分野應荆吳之鄉建生推卯  
酉之位是為木配所主月元占祿象於星燈  
表心名於遁甲今有齋主某馳神瓊關蕙事  
瑤壇皈命中天大聖文曲玄冥玉皇君伏願  
玉格書名丹芝定命三靈備體並洪福於滄  
溟五炁朝元等龜齡於其翼川增百順雲散  
千災歎玉醴以酣和固瓊顏而味道宸光容  
映民欲協從稽首皈依虔誠讚詠

信禮高上紫微垣北斗文曲星君

北斗益算 明霞散敷 流光普市 真炁長扶  
七元度籍 名列紫書 治身添壽 常慶歡娛

飛仙蹈舞 遊宴玄都 徹視表裏 與神同居  
益算自然 上升玉窟 和願得長生

臣眾等志心皈命中天大聖北斗應真丹  
元玉皇君斗中神仙和諸靈官

伏聞元皇天上靈關注白炁之精細神宮中  
斗君仰玉樓之遠執青錄以成萬化列丹樹  
以開七門命籍攸司混與是統總空霄之譜  
錄主宰圓方領鬼神之簿書權衡善惡下提  
地庶中領仙真分野應趙充之鄉建生推辰  
申之位是為土配所主江元占官象於星燈  
表禽名於遁甲今有齋主某馳神瓊關蕙事  
瑤壇皈命中天大聖應真丹元玉皇君伏願  
崑崙書名金精定命亭亭壽壽地摩聖位於青  
冥浩浩福源瀉銀潢於碧漢培蘭茂秀庭桂  
光華景雲開步武之祥彩霧謁家門之瑞民  
生咸慶帝化均沾稽首皈依虔誠讚詠

信禮高上紫微垣北斗應真星君

北斗消災 玄黃開陽 仙靈影現 光徹十方  
七元掌籍 名列紫房 衛身益壽 長啓福祥  
明真降佑 滌蕩凶殃 華精炁結 與神同鄉

消災自然 上升玉堂 和願得長生

臣眾等志心皈命中天大聖北斗武曲北  
極玉皇君斗中神仙和諸靈官

伏聞中皇天上紫極注綠炁之精紀明宮中  
太常御玉樓之遠執玉策以明萬化列玄樹  
以開八門升進功勤轉輪階級總九天之真  
聖遷實躋班統五嶽以飛仙錄勳加秩下司  
得道普領學人分野應燕揚之鄉建生推己  
未之位是為水配所主河元占壽象於星燈  
表輔名於遁甲今有齋主某馳神瓊關蕙事  
瑤壇皈命中天大聖武曲北極玉皇君伏願  
金臺書名水瑛定命珠星輝潤襲佳炁而門  
庭相歡壁月涵清湛靈臺而精神永固流芳  
無翼化戴鴻鈞無三災九厄之憂感萬聖千  
真之護天祥允集民欲潛孚稽首皈依虔誠  
讚詠

信禮高上紫微垣北斗武曲星君

北斗扶衰 真宗降靈 流霞散光 仙伏交盈  
七元與籍 名列紫營 固身養壽 慶合連并  
高玄接引 優游五明 駕景飛翔 與神同齡

扶衰自然 上升玉庭和願得長生

臣眾等志心皈命中天大聖北斗破軍天  
關玉皇君斗中神仙和諸靈官

伏聞真皇天上運天注絳炁之光關會宮中  
上帝御玉樓之選執神章以敷萬化列華樹  
而開一門機運攸司劫會是職總四時長短  
之度消息調和領二儀否泰之期盈虛統濟  
機參造化權幹陰陽分野應齊豫之鄉建生  
推午支之位是為金配所主海元占妻象於  
星燈表銜名於遁甲今有齋主某馳神璇闕  
戴事瑤壇皈命中天大聖破軍天關玉皇君  
伏願玉籙書名芝膏定命八景含兔鳥之影  
福樹春融千齡齊龜鶴之期壽基日闢蓬茅  
有耀梨棗無塵敷學詩學禮之風極潤屋潤  
身之樂民情上徹帝渥下敷稽首皈依虔誠  
讚詠

信禮高上紫微垣北斗破軍星君

北斗散禍 玄英禦凶 靈威備守 妖邪絕蹤  
七元注籍 名列紫形 榮身增壽 享福無窮  
仙官扶衛 步躡雲中 正真降集 與神同聰

散禍自然 上升玉宮和願得長生

臣眾等志心皈命中天大聖北斗外輔洞  
元玉皇君斗中神仙和諸靈官

伏聞太常天上空真注碧炁之芒帝席宮中  
尊帝御玉樓之選執火鈴以旋萬化列青樹  
而開八門真仙攸司神靈之職天地嶽瀆之  
廣典領無違罪福功過之繁分別有要總領  
樂事考察元臣占吉象於星辰表內名於遁  
甲今有齋主某馳神璇闕戴事瑤壇皈命  
中天大聖外輔洞元玉皇君伏願上清書名芝  
瑛定命歲功三百六十時迎紫炁以龍慈天  
高八萬四千里耀華芒而鬱勃金丹駐景玉  
液延年門庭消五濁之塵步武被三靈之慶  
玄恩誕布丹悃潛通稽首皈依虔誠讚詠

信禮高上紫微垣北斗外輔星君

北斗洞明 神彩發輝 內暢真元 外集玄微  
九光領籍 名列紫墀 消災注福 邪害不欺  
骨清氣爽 曉暢靈威 長生受慶 與臣同飛  
遊行自然 上升玉虛和願得長生  
臣眾等志心皈命中天大聖北斗內弼隱

元玉皇君斗中神仙和諸靈官

伏聞變靈天上元寶注玄炁之芒上尊官中  
太常御玉樓之選執帝章而參萬化列華樹  
以開九門變化無方隱藏莫逆九州萬國之  
眾考察無私三公九卿之尊權銜有賴裁成  
庶務化育群工占福象於星燈表達名於遁  
甲今有齋主某馳神璇闕戴事瑤壇皈命  
中天大聖內弼隱元玉皇君伏願九天書名曜  
暉定命先風霽月融和氣於門闈景星卿雲  
擁祥光於步武災消未兆福衍方來湛定水  
以無塵聳仁山而益秀洪休密映素悃潛孚  
稽首皈依虔誠讚詠

信禮高上紫微垣北斗內弼星君

北斗隱元 潛耀紫微 迴靈飛景 真炁含輝  
九光典籍 名列紫芝 延齡注福 吉慶相隨  
耳目清暢 身心協熙 掃蕩妖禍 與神同歸  
徘徊自然 上升玉墀和願得長生  
福生無量天尊  
眾誦大呪旋繞  
大慈延壽天尊

向來關祝北斗星燈功德周圓伏以飛登道  
妙於函三執窺天寶析儀旨宣於正一爰露  
神機惟東陽崇臨下之網故垂象總受中之  
柄玉垣左燦制天政於九晨金闕前輝溥帝  
恩於六合權衡是賴靈籙無私今有齋主其

覺性命之根宗企玄元之闔域燈輝玉藻章  
唱金玄虹梁步接於紫雲鶴馭蹕移於璇極  
允孚帝監仰荷宸休伏願降豁落之華芒四  
魔滅跡挹元皇之正炁三景齊年與道合真  
為善最樂簪紱耀堆牀之笏詩書華插架之  
籤隴畝雲連倉箱星燦燭歡聲於庭戶襲世  
慶於曾玄萬善悉陶千祥加被祖宗超邁春  
屬安寧普及含靈俱登道岸為如上緣請  
聖證明志心稱念福生無量天尊長生保命  
天尊延壽益算天尊不可思議功德

靈寶領教濟度金書卷之一百三十六

靈寶領教濟度金書卷之一百三十七  
八同 問六

科儀立成品析極通用

南斗燈儀

步虛 灑淨 祝香

慶雲蒙鶴結玉宇於玄虛霏霧羅敷騰金輝  
於碧落丹誠應感玄澤昭回以今恭茲寶香  
遥瞻供養

太上無極大道三清上聖三寶至尊南極長  
生大帝南極注生大帝南極老人壽德星君  
南斗天府寶光王五玄上真道君天相丹精  
玄明寶室上真道君天梁靈璫寶耀赤天上  
真道君天同景明碧虛真王天德上真道君  
天柱極真太玄寶仙玉皇太上帝上真道君天  
機紫宸絳房玄玄大帝玉真上真道君南斗  
道德玄曹聖眾火鈴將軍六星童子齋主其  
建生本命元辰星君運限照臨一切星宰太  
歲尊神日直香官虛空監察應感神祇土地

真靈里域主宰仗此寶香普同供養伏聞大  
微三光之旋拱紫微而分政南極二儀之齋  
對北極以宣符凝精耀天廟之芒經度羅星  
紀之舍位尊太宰典樞機於三十六禽權領  
都曹職陰陽於七十二候御火配九先之運

處離參七政之衡萬象依光百靈受命朱網  
玉緯妙寬冕以飛登翠蓋黃輿總人神而掌  
握賢明受爵金華宣廣靈光赫赫以陶鑄聖  
化巍巍而統制欲徵善應宜暢真宗今有齋  
主恭稟蒸塵龍宅心道域金紫書而稽首瞻  
丹闕以馳神霞袂陸離翻三乘之瓊範雲光  
煒燁象六曜之金輝瑞煙騰綠鶴之祥芳談  
襲絳華之蒸花開景運燼落笑符伏願丹臺  
書名朱宮紀善映秋霄之璧月塵寂心空浴  
定水之珠蓮滌離性朗福並儀璘之大壽齊  
潛霍之崇稽首皈依無極大道  
臣眾等志心皈命南斗大聖天府司命真  
皇君斗中神仙和諸靈官  
伏以明德宮中儼丹玉絳華之闕司命府內  
仰上相鑲國之尊注紫炁以流芒臨赤天而